

*Durante su preparacion pa Miss Universe 2000...*

# MISS ARUBA, TAMARA SCARONI, PROMOVRIENDO ARUBA NA TEXAS, HOUSTON

## DEN AMBIENTE

Foto's/texto: Jan Poets.



**\*\* Tamara Scaroni, Miss Universe Aruba, actualmente ta den pleno preparacion na Texas, Houston pa e certamen Miss Universe 2000 cu lo bay tuma lugar den luna di mei na Cyprus...**

**\*\* Tamara Scaroni, Miss Universe Aruba 99/2000, actualmente ta na Texas, Houston, na unda e ta siguiendo un curso intensivo pa su**

compromiso pa bay representa Aruba den e certamen di Miss Universe 2000, cual certamen lo bay tuma lugar na Cyprus den luna di mei proximo.

Contrario na e otro representante na cu den e ultimo añanan tabata bay realiza nan preparacion na Medellin, Colombia cerca Jaime Arango, Tamara Scaroni a dicidi cu e ta bay sigui su preparacion na Texas, Houston.

Ayera DEN AMBIENTE a logra un entrevista telefonico cu nos Miss Aruba for di Texas, Houston, kende a expresa cu e ta sumamente satisfecho di a tuma e decision pa sigui su preparacion na Texas, Houston. Na dicho ciudad meri-

cano, Tamara a sigui un curso intelectual cerca un ex Miss Texas. Segun Tamara cu e curso aki tabata uno fabuloso. Awe diasabra e lo tin cu bisti su trache di gala como sifuera e ta den pleno certamen y e lo worde entrevista pa tres hurado, cual un di nan tabata hurado durante certamen di Miss World. E proposito di ensayo aki ta, pa nan dune tur e consehonan valioso den un forma espontaneo.

Tamara a sigui expresa den e forma aki, "Mi ta hopi contento di ta aki nan, pasobra bo ta haya un otro perspectiva di television y prensa internacional, e ta definitivamente un bon experiencia y un


bon exposicion tanto pa mi mes como mi isla stima Aruba".

Tambe nos elegante Miss Universe Aruba a conta cu el a bishita varios canalnan di television y radio emisoranan, na unda el a probecha pa promove nos pais turistico. Ainda e tin pendiente pa bishita algun canal di TV y radio emisoranan. Na final Tamara Scaroni a expresa cu na unda cu e bay, e ta laga un bon impresion como Miss Aruba.

Awetardi durante e programa "Poets Show" na Canal 90, entre l'or pa 3'or, via telefoon, Miss Universe Aruba, Tamara Scaroni lo amplia mas tocante su preparacion na Texas, Houston..

## B.M.W. TA LANSA NAN CD.. "WASH UP CARNIVAL 2000"

*Dialuna anochi proximo e CD lo ser batiza den Havana Beach Club..*



**\*\* Esaki ta e bunita "front cover" di e CD di BMW cu a ser realiza pa DNL Recording..**

**\*\* Dialuna proximo e joven grupo musical, B.M.W. "Brothers Making Wisdom", ta bay lansa nan produccion carnavalesco titula "Wash Up Carnival 2000". Riba e produccion aki lo bay aparece 9 tema: 1) "Vex Vibe",**

2) "Wash up", 3) "Push it baby", 4) "Wang your bangs", 5) "Baby champion", 6) "Shift it", 7) "Oh mama", 8) "Work", 9) "The Truck".

E produccion aki ta riba un nivel hopi halto y a ser graba den Aruba Recording, mientras cu el a ser disena y imprimi aki na Aruba mes pa DNL Recording, cual compania porcierto a haci un tremendo trabao. Ademas DNL Recording a kita e stress riba e yegada di e prome lote for di den exterior.

Riba e CD ta aparece e tres roadmarchnan cu BMW lo bay participa cu ne durante e Calypso & Roadmarch Contest. E cantante "Base" lo participa cu e tema "Wash up", cual porcierto a ser lansa como nan hit promocional y por bisa cu esaki ya ta cosechando un exito durante e varios actividadnan carnavalesco cu BMW a realiza. "Afro" lo participa cu e tema "Oh mama" y "Master Gusto" lo participa cu e tema "Work", mientras "Sauce" cu aña pasa a dal duro cu "Red Hat", e biaha aki ta purba su suerte cu e tema "The Truck". Dialuna awor e CD aki lo ta obtenible na tur nos disco barnan, mientras e acto di bautismo lo bay tuma lugar dialuna awor durante e gran anochi bacanal den Havana Beach Club. Pabien y exito na mi brothernan cu ta bay "Wash up Carnival 2000"..

## EXITONAN DI E INOLVIDABLE "KING LORD BOXOE" LO TA RIBA CD .


**\*\* Dialuna proximo lo bay ta riba mercado e CD di e inolvidable fayecido cantante di calypso, "Lord Boxoe". Ta trata aki di un joya di un produccion cual a ser rescata pa medio di e CD aki. Lord Boxoe ta un valuarde cantante di calypso cu hama Aruba a yega di conoce y cu semper a gana cariño y aprecio for di su publico. Mayoria di su cancionnan a resulta como temanan cu a marca historia. Pues aki ta trata di un "collector's item CD" cu cada Arubiano mester tin den su coleccion. Riba e CD aki ta aparece e siguiente temanan: "Basha Awa Bay", "Dora mi doei", "Pussy don't kill me", "Meaty", "Coming down", "Esaki si ta bon", "Ge Ge", "Skylab", "Haragan", "Winding Coming", "God Bless Lago", "Chucu Chucu", "Jacko Coming" y "Shove it up".**

E hitnan aki cu a causa tanto sensacion y a trece hopi alegria durante e glorioso temporada di nos Carnaval, sigur lo bay trece grato recuerdonan. Sin duda algun un iniciativa fantastico di e compania DNL Recording pa trece e joya di e CD aki



**\*\* E CD aki tambe ta un otro tremendo trabao realiza pa DNL Recording..**

## LORD CACHETE "THE BLACK BOY IS BACK" "AY CARAMBA"



**\*\* Lord Cachete no kier slek net nada, pero simplemente a bisa cu e ta bin mas brabu cu nunca y manera por mira riba foto, e ta dunando señal.. "WHO'S THIS DOG????? .. "Wacht Out!.."Pas op doeiiiiiii"**

**\*\* "The Aruban No 1 showman ta "back in town", anto mas blanco cu nunca. Dialuna ultimo e popular calypsonian Lord Cachete a bolbe su dushi tera for di Rotterdam, Nederland, pa asina confirma su participacion den e grandioso Calypso & Roadmarch Contest. Lord Cachete no kier divulga net nada pa loka ta trata su calypso y roadmarch. Loka si Cachete a los pa Den Ambiente, cu e ta bay ser acompaña pa Dushi Band di su gran amigo Hildward Croes..**